

ՀՀ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵԻ
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ

Ո Ր Ո Շ ՈՒ Մ թիվ -244

ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՄԱՍԻՆ

«07» օգոստոսի 2023թ.

ք. Երևան

Ես՝ ՀՀ պետական եկամուտների կոմիտեի իրավաբանական վարչության ղեկավարի ժամանակավոր պաշտոնակատար Նաիրա Ավանեսյանս, քննելով՝ Սամվել Աշոտի Գասպարյանի (Անձնագիր՝ AV0575382, հասցե՝ ՀՀ, ք. Երևան, Լևոնյան փողոց, տուն 28) նկատմամբ հարուցված մաքսային կանոնների խախտման վերաբերյալ գործը,

Պ Ա Ր Զ Ե Ց Ի՝

2023 թվականի հունիսի 07-ին ՀՀ ՊԵԿ Արևելյան մաքսատուն-վարչության աշխատակիցները Բագրատաշեն մաքսային կետ-բաժնի տարածքում զննության են ենթարկել Վրաստանից ՀՀ ժամանած Սամվել Գասպարյանի կողմից շահագործվող «BMW» մակնիշի, «36XM773» հաշվառման համարանիշի ավտոմեքենան, ինչի արդյունքում նշված ավտոմեքենայի պահեստային հետևի նստատեղի և գազաբալոնի միջև գտնվող հատվածում հայտնաբերել են, մաքսային հսկողությունից թաքցրած 41 կգ ընդհանուր քաշով տարբեր տեսակի դեղորայք:

Փաստի առթիվ Սամվել Գասպարյանի նկատմամբ «Մաքսային կարգավորման մասին» ՀՀ օրենքի 313-րդ հոդվածի հատկանիշներով կազմվել է մաքսային կանոնների խախտման վերաբերյալ արձանագրություն, իսկ նշված դեղերը, որպես իրավախախտման անմիջական օբյեկտ, վերցվել և ի պահ են հանձնվել «Ալյանս Տերմինալ» ՍՊԸ-ի ժամանակավոր պահպանման մաքսային պահեստում:

Սամվել Գասպարյանի կողմից մաքսային հսկողությունից թաքցրած դեղերի մաքսային արժեքը որոշելու համար 21.06.2023թ-ի գրությամբ հարցում է կատարվել ՊԵԿ մաքսային հսկողության վարչություն, որտեղից ստացված 08"08"2023 պատասխան գրության համաձայն՝ նշված ընդհանուր դեղերի մաքսային արժեքը 07.06.2023 թվականի դրությամբ կկազմի ընդհանուր՝ 2 890 545 ՀՀ դրամ:

ԵՏՀ կոլեգիայի 21.04.2015թ. թիվ 30 որոշման 2.14 կետով սահմանված սահմանափակումների ենթակա ապրանքների միասնական ցանկի և ՀՀ կառավարության թիվ 202-Ն առ 28.02.2019թ. որոշման համաձայն՝ վերը նշված ապրանքները ոչ ԵԱՏՄ անդամ երկրներից ներմուծելու դեպքում առաջանում է ոչ սակագնային կարգավորման միջոցների կիրառում:

ԵԱՏՄ մաքսային օրենսգրքի 2-րդ հոդվածի 1-ին մասի 25-րդ կետի համաձայն՝ «Միության մաքսային սահմանով ապրանքների անօրինական տեղափոխում է համարվում ապրանքների տեղափոխումը Միության մաքսային սահմանով այն վայրերից դուրս, որոնցով, սույն Օրենսգրքի 10-րդ հոդվածին համապատասխան, պետք է կամ կարող է իրականացվել ապրանքների տեղափոխում Միության մաքսային սահմանով, կամ այդ վայրերում գտնվող մաքսային մարմինների աշխատանքային ժամանակից դուրս, կամ մաքսային հսկողությունից թաքցնելու կամ ապրանքների ոչ հավաստի հայտարարագրման կամ չհայտարարագրման կամ ապրանքների վերաբերյալ ոչ հավաստի տեղեկություններ պարունակող փաստաթղթեր

օգտագործելու միջոցով եւ (կամ) նույնականացման կեղծ կամ այլ ապրանքներին վերաբերող միջոցներ օգտագործելու միջոցով:

«Մաքսային կարգավորման մասին» ՀՀ օրենքի 301-րդ հոդվածի 1-ին և 2-րդ մասերի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն: Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

«Մաքսային կարգավորման մասին» ՀՀ օրենքի 313-րդ հոդվածի համաձայն՝ Հայաստանի Հանրապետության պետական սահմանով մաքսային հսկողության ներքո գտնվող ապրանքների տեղափոխումը՝ մաքսային հսկողությունից թաքցնելով՝ գաղտնարանների օգտագործմամբ, ապրանքների հայտնաբերումը դժվարացնող այլ եղանակներով կամ ապրանքներին այլ տեսք տալու միջոցով՝ հանցագործության հատկանիշների բացակայության դեպքում առաջացնում է տուգանք՝ այդ ապրանքների մաքսային արժեքի հիսուն տոկոսի չափով, բայց ոչ պակաս, քան մեկ միլիոն դրամի չափով:

«Մաքսային կարգավորման մասին» ՀՀ օրենքի 332-րդ հոդվածի 1-ին մասի համաձայն՝ մաքսային կանոնների խախտումների վերաբերյալ գործը քննվում է վարչական պատասխանատվության ենթարկվող անձի մասնակցությամբ կամ Վարչական իրավախախտումների վերաբերյալ ՀՀ օրենսգրքի 267-րդ հոդվածով սահմանված դեպքերում՝ տվյալ անձի բացակայությամբ, իսկ նույն հոդվածի 2-րդ մասի համաձայն՝ մաքսային կանոնների խախտումների վերաբերյալ գործը կարող է քննվել սույն հոդվածի 1-ին մասում նշված անձի բացակայության դեպքում, եթե անձը բացակայում է և հայտնի չէ նրա գտնվելու վայրը, կամ եթե նա գտնվում է Հայաստանի Հանրապետության սահմաններից դուրս:

Սամվել Գասպարյանը 2023 թվականի օգոստոսի 07-ին հրավիրվել է ՀՀ ՊԵԿ իրավաբանական վարչություն՝ իր նկատմամբ «Մաքսային կարգավորման մասին» ՀՀ օրենքի 313-րդ հոդվածի հատկանիշներով սկսված վարչական գործի քննությանը մասնակցելու համար և միաժամանակ նախազգուշացվել, որ համաձայն «Մաքսային կարգավորման մասին» ՀՀ օրենքի 332-րդ հոդվածի՝ չներկայանալու դեպքում վարչական գործի քննությունը կիրականացվի իր բացակայությամբ, սակայն վերջինս պատշաճ ծանուցված լինելով հանդերձ չի ներկայացել:

Այսպիսով, նյութերով պարզվել է, որ 2023 թվականի հունիսի 07-ին Սամվել Գասպարյանը ՀՀ մաքսային սահմանով մաքսային հսկողությունից թաքցնելով, այն է՝ իր կողմից վարվող «BMW» մակնիշի, «36XM773» հաշվառման համարանիշի ավտոմեքենայի պահեստային հետևի նստատեղի և գազաբալոնի միջև գտնվող հատվածում տեղափոխել է ընդհանուր 41 կգ քաշով տարբեր տեսակի դեղորայք ընդհանուր՝ 2 890 545 ՀՀ դրամ մաքսային արժեքով (որի 50%-ը կազմում է 1 445 273 ՀՀ դրամ), այսինքն՝ վերջինս թույլ է տվել «Մաքսային կարգավորման մասին» ՀՀ օրենքի 313-րդ հոդվածով նախատեսված մաքսային կանոնների խախտում, ինչը հիմնավորվում է մաքսային կանոնների խախտման վերաբերյալ արձանագրությամբ, 07"06"2023 թվականի զեկուցագրով և ՊԵԿ մաքսային հսկողության վարչության 07"08.2023 թվականին գրությամբ:

Հիմք ընդունելով «Մաքսային կարգավորման մասին» ՀՀ օրենքի 313-րդ, 334-րդ, 335-րդ հոդվածները.

Ո Ր Ո Շ Ե Ց Ի՝


1. Սամվել Աշոտի Գասպարյանին ճանաչել զանցառու «Մաքսային կարգավորման մասին» ՀՀ օրենքի 313-հոդվածով և նրան տուգանել մաքսային հսկողությունից թաքցրած 41 կգ քաշով դեղորայքի մաքսային արժեքի հիսուն տոկոսի չափով՝ 1 445 273 ՀՀ դրամ:

2. Որոշման մասին հայտնել Ա.Գասպարյանին՝ պարզաբանելով, որ ՀՀ մաքսային կարգավորման մասին օրենքի 334-րդ հոդվածի 2-րդ կետի համաձայն՝ որոշումն ուժի մեջ է մտնում կայացման պահից, իսկ նույն հոդվածի 4-րդ կետի համաձայն՝ որոշումը կարող է բողոքարկվել «Մաքսային ծառայության մասին» օրենքի 37-րդ հոդվածով սահմանված կարգով կամ դատական կարգով՝ 2 ամսվա ընթացքում:

ՀՀ պետական եկամուտների կոմիտեի իրավաբանական վարչություն
(ստորաբաժանման անվանումը)

Ղեկավարի Ժ/Պ՝

Նաիրա Ավանեսյան
(անուն, ազգանուն)


(ստորագրություն)

Որոշման օրինակը՝ _____ էջերի վրա ստացա.

(իրավախախտում կատարած անձի անունը, ազգանունը, հայրանունը կամ տվյալ անձի
ներկայացուցչի անունը, ազգանունը, հայրանունը և լիազորությունը հաստատող
փաստաթղթի տվյալները)

(ստորագրություն)

«__» _____
(որոշման օրինակի ստացման ամսաթիվը)

20__ թ.

Ծանոթություն. Սույն որոշմամբ նշանակված փույթի գումարը ենթակա է վճարման Կենտրոնական գանձապետարանի №900005024055 հաշվեհամարին _19_ ծածկագրով:

Սույն որոշումն անբողոքարկելի դառնալուց հետո «Վարչարարության հիմունքների և վարչական վարույթի մասին» օրենքի 88-րդ հոդվածով սահմանված կարգով և ժամկետներում ուղարկվում է Հայաստանի Հանրապետության հարկադիր կադարումն ապահովող ծառայություն:

Եթե առկա են վերցված ապրանքներ, դրանք վերադարձվում են «Մաքսային կարգավորման մասին» ՀՀ օրենքի 335-րդ հոդվածով սահմանված կարգով և ժամկետներում: